

廣

州

大典

典

陳建華 曹淳亮 主編

廣州大典

29

第一輯·廣雅叢書
第二十九冊

廣州出版社

目錄

國語翼解六卷	清陳瑒撰	一
戰國策釋地二卷	清張琦撰	七十
吉林外記十卷	清薩英額撰	一一二
黑龍江外記八卷	清西清撰	一九六
離騷彙訂四卷	清王邦采撰	二五二
屈子雜文箋略二卷	清王邦采撰	三二五
屈原賦注七卷通釋二卷音義三卷	清戴震撰	三六六
楚辭天問箋一卷	清丁晏撰	四一五
韓集補注一卷	清沈欽韓撰 清胡承珙訂	四五〇
蘇詩查注補正四卷	清沈欽韓撰	四八三
范石湖詩集注三卷	清沈欽韓撰	五五〇

國語翼解

光緒壬辰秋九
廣雅書局棨

國語翼解卷一

嘉定陳瑒撰

周語

夫兵戢而時動 解戢聚也

爾雅釋詁戢聚也說文戢藏兵也詩曰載戢干戈戢通作輯
尙書輯五瑞史記作揖五瑞集解引馬融云揖斂也釋詁戢
本與斂收等字同訓聚說文斂收也瑒案戢本爲凡聚之義
而許君藏兵之訓戢專屬兵言義尤長左隱公四年傳云夫
兵猶火也弗戢將自焚也

觀則玩 解玩黷也

易繫辭所樂而玩者馬融曰玩貪也左昭二十六年傳玩求

國語翼解卷一

無度服虔曰玩貪也韋氏於晉語注云玩偷也案貪偷聲相
近貪黷義相成故內傳云黷貨無厭說文玩弄也玩貪也春
秋傳曰忼歲而澍日翫習厭也春秋傳曰翫歲而愒日是玩
與忼翫俱通文選注玩猶愛也又云猶愛弄也翫猶悅也義
皆相因

玩則無震 解震懼也

爾雅釋詁震懼也易震卦彖辭震驚百里大雅江漢徐方震
驚方言言懼驚也震懼猶震驚也

是故周文公之頌曰 解文周公旦之謚也頌時邁之詩武
王旣伐紂周公爲作此詩巡守告祭之樂歌也

案詩序時邁巡守祭告樂望也韋不明言詩序而說與之合

大三百八十三
小五

據此亦可以破鄭漁仲魏黃初四年始行詩序之說

肆于時夏 解于於也

案此解全依本經毛鄭爲義其云于於者錢詹事云于於兩字義同而音稍異尙書毛詩例用于字論語例用于字唯引詩書作于今字母家以於屬影母于屬喻母古音無影喻之別也

懋正其德 解懋勉也

說文懋勉也案懋勉猶勉勉也聲並相近

阜其財求 解阜大也

書周官阜成兆民言大成也秦風駟騶孔阜言馬甚肥大也爾雅釋地大陸曰阜言陸之大者也皆以阜爲大

國語翼解卷一

纂修其緒 解纂繼也緒事也

纂續同音亦同義說文續繼也書仲虺之誥續禹舊服爾風載續武功皆訓續爲繼禮祭統則云纂乃祖服漢書班固敘傳纂堯之緒皆以纂爲續緒事也本爾雅釋詁周官宮正云稽其功緒

奕世載德 解載成也

書乃賡載歌傳言續歌以成其義也

勤恤民隱 解恤憂也隱痛也

說文血部卹心部恤俱訓憂也邶風如有隱憂毛傳隱痛也禮檀弓拜稽顙哀戚之至隱也稽顙隱之甚也孟子王若隱其無罪而就死地漢書韓安國傳此仁人之所隱也皆以隱

大三百六十五
小五

痛爲義

邦內甸服

解於甸服引商邦畿千里下言侯圻衛圻蠻圻夷圻鎮圻甸圻圻圻即畿左昭二十一年傳天子之地一圻言方千里也故司馬掌封畿之兵甲曰圻父

讓不貢 解讓譴責也

說文讓相責讓也周官掌救萬民之哀惡過失而誅讓之左僖五年傳公使讓之杜注譴責之案讓以譴責爲正義卑讓揖讓皆字之假借漢書揖讓之容作攘則卑讓亦當爲攘帥舊德而守終純固 解帥循也純專也

禮王制命鄉簡不帥敎者以告鄭注帥循也又漢書循吏傳

國語翼解卷一

三

廣雅書局

蕭曹以寬厚清淨爲天下帥注帥遵也遵猶循也說文專从艸專聲孫愐讀爲常倫切後人遂作純是純專一聲案古音皆重唇純當爲職倫切音諄則與專近純專者以同聲爲義也

其有以禦我矣 解禦猶距也

以距訓禦爲扞拒之義距與拒通釋名距拒也

有三女奔之 解奔不由媒氏也

周官媒氏奔者不禁義謂不禁其爲人妾也曲禮曰奔則爲妾

女三爲粢

唐風見此粢者傳三女爲粢一妻一妾也

大三百四十一
小五

邵公告曰

案書召誥詩召南皆作召甘棠箋云召伯姬姓名奭食采于召廣韻邵邑名又姓出魏郡周文王子邵公奭之後是邵召通用也史記白起傳周邵呂望之功亦作邵與此經同又內傳召陵史記亦曰邵陵

吾能弭誦矣 解弭止也

王篇弭止也左襄二十五年傳自今以往兵其少弭矣注弭止也案爾雅釋詁尼定也郭注尼止也止亦定也釋文謝羊而反顧奴啟反尼與弭音近孟子止或尼之

猶其原隰之有衍沃也 解廣平曰原下溼曰隰下平曰衍有溉曰沃

國語翼解卷一

四

廣雅書局集

廣平二語本爾雅釋地文說文遵廣平之野釋名廣平曰原原元也如元氣廣大也說文隰阪下溼也溼幽溼也从水一所以覆也覆而有土故溼也釋名下溼曰隰隰蟄也蟄溼意也左襄二十五年傳并衍沃注衍沃平美之地小爾雅澤之廣者謂之衍說文沃漑灌也

厲王說榮夷公 解夷諡也

周書諡法解克殺秉政曰夷安心好靜曰夷左傳二十二年夷正義引作安

夫榮夷公好專利 解專擅也

禮坊記示不敢專也中庸賤而好自專皆曰專擅也左桓十五年傳祭仲專注亦曰擅也

大三百五十八
小一百

故頌曰 解頌周頌思文也謂郊祀后稷以配天之樂歌也經緯天地曰文

后稷配天亦詩序之說經緯天地則諡法解文也

乃以其子代宣王 解懿之亂公卿相與和而修政事號曰共和

案史記託始共和以前不書甲子以上世荒遠難稽也共和卽後世建元之義則可以共和爲甲子紀元之所自始

宣王卽位不籍千畝

禮祭義天子爲籍千畝諸侯爲籍百畝籍之言借也借民力爲之以供上帝之粢盛也

敦龐純固 解龐大也

國語翼解卷一

左成十六年傳云民生敦龐爾雅釋詁龐大也說文龐后大也方言龐深之大也又云自關而西秦晉之間凡大貌謂之幪或謂之龐

古者太史順時視音土陽癉反憤盈 解視視也癉厚也

爾雅釋詁視相也郭注視謂相視也說文視視也張衡西京賦視往昔之遺館李善曰視視也爾雅釋文視又作脈亡

革反釋詁又云宣厚也癉本音宣同音故同義又癉勞也釋文丁賀反廣雅癉苦也曹憲音多賀反是癉有兩音也

農祥晨正 解農祥房星也

說文房星爲民田時者故曰農祥

日月底于天廟 解天廟營室也孟春之月日月皆在營室也

大三百七十六
小一百

史記天官書云營室爲清廟禮月令孟春之月日在營室邵學士云韋解周語謂孟春日在營室與月令同然月令於孟春言昏危中仲冬言昏東壁中不言昏營室中者營室在危東壁之間也

土乃脈發 解脈理也

說文脈血理分衰行體者玉篇亦云脈血理也

弗震弗渝 解震動也渝變也

震動本爾雅釋詁易說卦震動也上土氣震發解亦曰震動也渝變本爾雅釋言郭注謂變易鄭風羔裘舍命不渝傳亦曰渝變也釋文引舍人本渝作禱內傳專之渝注亦曰變也王其祗祗 解祗敬也祗齊戒祗除也

國語翼解卷一

祗敬亦本爾雅釋詁說文祗敬也說文示部又有祗字从示氏聲則神祇之祇

頌長發云上帝是祗金縢罔不祗畏史記作罔不敬畏又釋詁祗福也說文以祗爲除惡之祭言去惡以致福也大雅生民以弗無子鄭箋弗之言祗也疏引孫炎云祗除之福周官女巫云祗除釁浴

命農大夫咸戒農用 解農大夫田畯也

爾雅釋言畯農夫也郭注今之耆夫是也案田畯亦謂之農率夏小正曰農率均田又謂之田舍月令曰命田舍東郊又謂之司耆小雅甫田鄭箋田畯司耆今之耆夫也此經下文又謂之農正

譬告有協風至 解協和也風氣和時候至也立春日融風也

大四百零四
小二十二

淮南天文訓距冬至四十五日條風至錢敎授曰周語所謂協風卽條風也呂氏春秋作炎風融炎聲相轉易緯通卦驗亦曰立春條風至條之言調也調卽融融卽和和卽協服虔說條風當生門

王乃濇之絕反 濯饗醴 解濇沃也

攷工記鍾氏染羽濇而漬之鄭注濇沃也案濇本章倫反此云之純反者古音多重唇也

王耕一墾鉢伐二音

說文作坡治也一曰甬土謂之坡此云二音者亦輕重唇也百姓紀農協功 解紀謂綜理也協同也

大雅綱紀四方傳云理之爲紀說文協眾之同和也上協風

國語翼解卷一

解云協和也和與同一也

陰陽分布 解明堂月令曰

錢詹事曰鄭君注月令多引今月令以證文字異同殊案漢志有明堂陰陽二十三篇在記百三十一篇之外禮記四十九篇小戴傳之劉向錄之鄭君注之其別出于明堂陰陽者則謂之今月令此所謂明堂月令者蓋卽鄭所謂今月令也說文解字亦屢稱明堂月令蔡邕以月令爲周公所作不宜與雜書紀錄並行因旁貫互注撰爲章句然其書久佚今禮所列者乃呂覽十二紀之一也

乃命其旅曰徇 解徇行也

廣雅釋言徇巡也王侍御曰徇巡古同聲而通用左桓十三

大三百九十一
小十二

年傳莫敖使徇于師宣四年傳王使巡師是徇即巡也秦誓

釋文引字詰云徇巡也爾雅釋言釋文引字詰云徇今巡字

說文巡視行貌

三時務農而一時講武

案爾雅釋天於四時祭祀之後備舉講武之名邵學士曰講

武必順乎天時欽若授時之政所為有事也故次乎時祭以

列于釋天

乃能媚於神而布施優裕也 解媚說也優饒也裕緩也

媚說優饒皆用說文為訓裕猶優也說文裕衣物饒也

魯武公以括與戲見王 解武公伯禽之玄孫獻公之子武公

敖也括武公長子伯御也戲括弟懿公也

國語集解卷一

案史記魯世家伯禽子考公就考公弟 煬公煬公子幽公宰幽公弟 微公

公微公子厲公擢厲公弟 獻公獻公子慎公執慎公弟 武公武公敖是武為伯

禽之玄孫武公即位二年子懿公被立被即戲世家多記二 名如考公就

作首微公 弟又作禮 懿公即位九年兄子伯御立是伯御與括非一人

伯御漢書作柏御

宣王伐魯立孝公 解孝公懿公之弟稱也

案魯世家伯御即位十一年叔父孝公稱立是孝公為懿公

弟輩亦同說世家以伯御為懿公兄子似即括之子故云叔

父孝公輩以括為即伯御當別有所據

而敬事者老 解若凍梨也

說文若老人面凍梨若垢从老省句聲經訓言胡者黃者若

大三百八十九 小四十七

長一也

蒐于農隙 解春田曰蒐蒐擇也禽獸懷妊未著搜而取之也

田獵之在四時者春蒐夏苗秋獮冬狩爾雅周禮左傳俱同

惟公羊桓四年傳云春曰苗秋曰蒐冬曰狩何休注苗毛也

明當見物取未懷妊者蒐簡擇幼穉取其大者狩獮獸也冬

時禽獸長大遭獸可取不以夏田者春秋制也以爲飛鳥未

去於巢走獸未離於穴恐傷害於幼穉今韋氏既曰春田曰

蒐矣下獮於既承解曰秋田曰獮獮殺也狩於畢時解曰冬

田曰狩圍守而取之是韋於春蒐秋獮冬狩之名與爾雅周

禮左傳同而不言夏田又與公羊同也穀梁則云春日田夏

日苗秋曰獮冬曰狩是名不同而亦有夏田也禮記疏引何休說連字極

國語集解卷一

日夏不田穀梁有杜預左傳注云蒐索擇取不孕者賈公彥

夏田其義爲短 周禮疏云蒐搜也春時鳥獸字乳搜擇取不孕妊者皆與韋

同義又爾雅獮殺也說文獮秋田也鄭注夏官云秋田主用

罔中殺者多也詩疏引李巡云圍守取之無所擇也鄭注夏

官云言守取之無所擇也獮殺圍守之義亦韋與諸家不異

也

其君齊明衷正 解齊一也衷中也

中庸齊明盛服即齊一也衷本通作中衷中以聲爲義案爾

雅釋言齊中也則齊與衷同也

其刑矯誣 解以詐用法曰矯加謀無罪曰誣

左昭二十六年傳云矯誣先王案矯通矯漢書武帝詔作矯

大四百三十一 小二十八

服虔注云稱詐爲矯誣廣韻曰枉也加謀無罪言枉法也

明神不蠲 解蠲潔也

爾雅釋言蠲明也明猶潔也故邢疏引樊光云蠲除垢濁使令清明蠲潔聲亦相近

觀其苛慝 解苛煩也

爾雅釋言苛妨也郭注煩苛者多疾妨廣韻苛政煩也

融降于崇山 解崇崇高山也夏居陽城崇高所近

說文新附嵩中岳嵩高山也从山从高亦从松韋昭國語注云古通用崇字是大徐所見韋注本有此句以是推之則韋義之傳于今者脫落不少也後漢郡國志潁川陽城有嵩高山注禹貢有外方山即嵩也

國語翼解卷一

回祿信於聆音隧 解再宿爲信聆隧地名也

爾雅釋訓有客信信言四宿也左莊四年傳再宿爲信說文聆國語曰回祿信於聆遂闕

禱机次于丕山 解過信日次丕大邳山

過信爲次亦見左氏傳禹貢至于大伾史記作邳一作岯

杜伯射王于鄩 解鄩鄩京也

鄩卽鎬後漢馮衍傳西顧豐鎬注云文王都鄩武王都鎬然

說文邑部鄩周文王所都鄩常山縣世祖所卽位今爲高邑金部鎬武王所都在長安則鎬京之鎬當以从金者爲正文从邑者爲假借也

實有爽德 解爽貳也

大三百七十九
小七

爾雅釋言爽差也爽貳也俱貳也三語連文郭注皆謂用心差錯不專一邵學士云衛風女也不爽士貳其行此釋之也貳說文作恣失常也周語云實有爽德月令無或差貸義皆相通

丹朱憑身以儀之 解儀匹也詩云實惟我儀

爾雅釋詁儀匹也郭注引詩實惟我儀及國語丹朱憑身以儀之爲訓書鳳皇來儀鄭注儀匹也大雅我儀圖之箋亦云儀匹也

奉犧牲玉鬯往獻焉 解玉鬯鬯酒之圭長尺二寸有瓚所以灌地降神之器也

攷工記裸圭尺有二寸有瓚鄭注裸之言灌也裸謂始獻酌

國語翼解卷一

十一
廣雅書局

奠也瓚如盤其柄用圭有流前注戴吉士曰瓚勺也大小之度當如三璋之勺記者文互見多矣漢志瓚大於古典瑞注云漢禮瓚槃大五升口徑八寸下有槃口徑一尺

夏書有之曰畧非元后何戴 解夏書逸書也

其文今見偽古文大禹謨篇

在湯誓曰余一人有罪無以萬夫 解湯誓商書伐桀之誓也

今湯誓無此言則散亡矣

其文今見偽古文湯誥篇盧學士曰白田王氏名懋之言

日東晉所上之書疑爲王肅東晉皇甫謐輩所擬其時未經永嘉之亂古書多在採摭綴緝無一字無所本古聖賢之格

言大訓往往在是則偽尙書古文有斷不可廢者案此解一

大四一十三
小十一

爲夏書逸書一爲湯誓逸文而僞古文擬湯誥者亦王氏所云特其文氣緩弱辭意不相連屬也

是故祓除其心 解祓猶拂也

前祓祓解既云祓除矣此云祓猶拂者以聲爲義也

崇立於上帝 解崇尊也

案崇尊亦以聲近爲義崇从宗得聲錢詹事曰宗與尊相近故春秋傳伯宗或作伯尊猶前無有所也解祈求也亦聲近爲義錢亦曰求本衣求字借爲求與之義求祈聲相近故又有渠之切之音後人於求加衣仍取求聲非衣聲也

日恪位著^音以倣其官 解中庭之左右曰位門屏之間曰著也

國語翼解卷一

說文位列中庭之左右謂之位爾雅釋官中庭之左右謂之位門屏之間謂之^音通作著齊風俟我於著左昭十一年傳朝有著定皆與此經同

臺臺怵惕 解臺臺勉勉也

臺臺勉勉亦一聲相轉大雅鳧鷖在臺爾雅臺赤苗皆有門音借以爲龜勉之勉械樸勉我王荀子富國篇引作臺臺其證也臺本从文作臺當爲齋隸變爲臺又讀爲肩古鐘鼎文肩壽字亦多作覺覺从覺省从酉分聲臺从覺省从酉文聲故有門音轉爲肩又轉爲勉也

秦人殺子金子公 解子金呂甥子公卻芮之字也

呂甥內傳又稱瑕呂飴甥王尚書曰瑕呂飴甥字子金飴

大四百一十二
小七

古通^{周頌}我來牟漢書 子金者指所貽而言猶得臣字

子玉指所得而言也舉金玉者貴之也卻芮字子公者芮小

也公大也說文芮芮草生貌徐鍇繫傳芮芮細貌潘岳西征

賦葦芮於城隅李善注引說文云芮小貌^{葦芮}葦芮亦訓

爾國 尸子廣澤篇云公大也^{爾雅}釋名公廣也廣亦大也

田廣明字子公見漢書酷吏傳

晉侯端委以入 解說云衣玄端冠委貌諸侯祭服也昭謂此

士服也諸侯之子未受爵命服士服也

案內傳云太伯端委以治又云晏平仲端委立於虎門周禮

云弁冕端委以治凡言端委者皆玄端委貌卽玄冠玄端也

說以爲諸侯之祭服者玉藻曰諸侯玄端以祭鄭氏孫氏皆

國語翼解卷一

讀端爲冕孫叔然曰玄冕祭服之下也其祭先君亦神冕矣韋以爲士服者魯語列士之妻加之以朝服彼注云諸侯之士玄端委貌蓋卽特牲饋食禮所謂主人冠玄端是也士冠禮所謂服玄冠玄端奠饋見于君也則玄端委貌之卽玄冠玄端爲諸侯祭服之下者而爲士服審矣禮諸侯受爵命于王王賜之服因得以如其命數自爲之所謂神冕也今晉侯服士服以未受王命故及太宰以王命命冕服韋云冕大冠服驚衣蓋周禮所謂侯伯之服自驚冕而下如公之服也

益陽蔡 芳初校

南海羅崇齡覆校

番禺陶福祥再覆校

國語翼解卷一終

大四百一十二
小四十五

國語翼解卷二

嘉定陳琛撰

周語

兄弟讒閹 解閹俱也

經注閹俱當作閹說文門部文假當爲很說文很不聽从也戴吉士曰爾雅釋言閹恨也毛公傳小雅兄弟閹于牆閹很也鄭康成注曲禮很毋求勝很閹也二字轉注義出爾雅廣韻云俗作很若从人作俱集韻音恆後漢蔡邕傳董卓自很用

杞繒由大姒

春秋左氏傳作鄆僖四年鄆子來朝注鄆國在琅邪鄆縣說

國語翼解卷二

文亦作鄆姒姓國在東海穀梁作繒僖十四年傳季姬及繒子遇于防史記亦作繒吳世家敗齊師於父濩至繒注琅玕繒縣又夏本紀禹爲姒姓其後分封用國爲姓爲有繒氏鄆爲正字繒爲假借字

昔陽之亡也由仲任 解陽姒姓之國取仲任氏之女爲陽夫人唐尚書曰陽爲鄭武公所滅

日知錄言姓本於五帝見於春秋者二十二姒姓之國有鄆偃陽而不及陽唐尚書以陽爲鄭所滅即指春秋隱元年鄭伯克段於鄆之鄆杜云今潁川鄆陵縣釋文於晚於建於然三音廣韻二仙收鄆云鄆陵縣名又於晚切亦作僞去聲二十五願收鄆云地名在楚地是則路史國名紀所云楚之鄆

大三百九十八
小五

都襄陽之宜城也說文鄆南郡縣孝惠三年改名宜城則楚

地之鄆與鄭地之鄆陵有別後漢郡國志潁川郡鄆陵春秋作鄆俗作僞今鄆陵之鄆作陽與郡國志同

百姓兆民 解百姓百官也官有世功受氏姓也

書平章百姓傳曰百官族姓酒誥曰越百姓里居

王其以我爲對乎

爾雅釋言懟怨也說文懟恚也

請隨焉 解賈侍中云隨王之葬禮昭謂之隨六隨也

左僖二十五年傳云請隨惠徵士云杜依賈逵以爲王之葬

禮韋昭曰隨六隨之地見周禮此可備一說瑒案賈韋之說皆是也其實韋兼用賈義即以本經證之本經云王勞之以

國語翼解卷二

地辭請隨焉王不許曰昔我先王之有天下也規方千里以爲甸服以供上帝山川百神之祀以備百姓兆民之用以待不庭不虞之患其餘以均分公侯伯子男云云據此則晉顯係請六隨之地故王據天子規甸之制以折之然晉既辭所勞之賜地而不受矣又何取乎六隨之地請隨者蓋請六隨之地開地通路爲天子之葬禮本經又云亦唯是死生之服物采章是晉請於六隨開地以爲葬禮故王又引死生之服物以示之韋於下注云采章采色文章也死之服謂六隨之民引王柩輅也然則天子之葬禮曰隨者於六隨之地開地通路即用六隨之民引王柩輅非僅掘地及泉隨之謂韋既據周禮以六隨爲隨未嘗不兼用賈氏葬禮之說

大四百四十九
小五

而縮取備物 解縮弘也

案縮字之義玉篇曰退也止也儀禮注曰從也孟子注曰義也無以弘爲訓者戰國策縮于財用則置高誘曰縮歎也盈之反也韋以弘訓縮取相反之義爲訓猶亂訓治之例然不如依爾雅義爲長釋詁縱縮亂也注縱放掣縮皆亂法也此經蓋謂晉文亂法以取備物故曰縮取說文亦本爾雅爲義云縮亂也

今將大泯其宗祊 解廟門謂之祊

說文作稭門內祭先祖所以彷彿也重文爲祊小雅視祭于祊傳祊門內也孝子不知神之所在使祝博求之門內之旁禮器設祭於堂爲祊平外注祊明日釋祭也謂之祊者於廟

國語翼解卷二

門之內因名焉正義曰祊有二義一正祭時祭神於廟復求神於廟門內一明日釋祭時設饌於廟門外西室今日廟門謂之祊蓋專指廟門之祭言之猶曰廟門之祭謂之門內外也

將蠻夷戎狄之驕逸不虔

魯語糾虔天刑韋彼注云虔敬也

且夫陽豈有裔民哉 解裔民謂凶惡之列放在荒裔者也

史記五帝本紀乃流四凶族遷於四裔賈逵曰四裔之地去

王城四千里

定王享之餼烝 解烝升也升折俎之餼也

爾雅釋詁烝進也此以雙聲爲義禮月令大飮烝正義亦云

大四百一十三
小五

烝升也升此牲體於俎之上此疊韻爲義進與升同義說文烝火氣上行也

王公立飮則有房烝 解房大俎也詩云籩豆大房謂半解其體升之房也

案古音多重唇古讀房如旁故房義亦爲旁說文房室在旁也釋名在邊曰旁玉篇旁猶側也非一方也古讀方亦重唇儀禮大射禮左右曰方注旁出也房有旁義故半解其體曰房烝俎於下文敢設飮禘焉解曰飮半體也禘全體也故王公立飮則有房烝

夫戎狄冒沒輕儇

案輕儇猶輕賤也錢少詹曰鄭注表記儇焉爲可輕賤之貌

國語翼解卷二

蓋取儇賤聲相近冒沒猶蒙昧亦聲相近

奉其犧象 解犧尊飾以犧牛

說文尊酒器也从酉从艹周禮六尊犧尊象尊尊尊尊太尊山尊今周禮作獻尊鄭司農讀獻爲犧案鄭志荅張逸問曰犧讀如沙沙鳳皇也刻鳳皇之象于尊其形娑娑或有作獻字齊人之聲誤耳阮詵禮圖云犧尊飾牛先鄭禮注云犧尊飾以翡翠諸家俱以飾爲義鄭志謂刻鳳皇之象而取其形娑娑亦以飾爲義證以韋氏此解益信惟王肅則云齊子尾送女有犧尊以犧牛爲尊蓋謂尊形如牛而背上負尊肅好與鄭立異故多異說

野有庾積 解唐尚書云十六斗曰庾昭謂此庾露積穀也詩

大四百八
小五

云曾孫之庾

案唐說非也包咸論語注杜預左昭二年傳粟五千庾注俱云十六斗曰庾與唐尚書同誤蓋讀庾如穀以儀禮簋之實當庾也其實庾之實當以攷工記庾實二穀爲義穀斗二升則庾爲二斗四升無十六斗也此經亦不當以庾實之多少爲義說文庾水槽也一曰倉無屋者釋名庾裕也言盈裕也露積之言也盈裕不可稱受所以露積之小雅曾孫之庾傳露積曰庾韋蓋據此爲義又隋書天文志天倉西南四星曰天庾積儲粟之所

衍而舂舂

案舂舂即舂菜也左宣十一年傳稱舂菜方言築婁匹也注

國語翼解卷二

五

關西兄弟婦相呼爲築婁廣雅作舂婁曹憲音逐築舂疊韻故韋云具爾舂舂將以築作也

九年楚子入陳 解既滅陳而復封之故曰入也唐尚書云遂取陳以爲縣誤也

案春秋宣十一年經書丁亥楚子入陳杜以爲楚欲縣陳後得申叔時諫乃復封陳不有其地故書入此與韋同義然唐尚書豈未檢春秋而有此誤乎夫傳明云因縣陳今縣陳矣因縣今縣者已然之詞也蓋已規畫其地爲郡縣之制以夷於九縣也王闢申叔之言而善之曰反之可乎反者反其民人土地也而其已分爲縣陳之制不待反也故亦未嘗改也又案惠徵士左傳補注因縣陳云廣韻縣郡縣也釋名曰縣

大四百四十八
小五

懸也懸于郡也古作寔楚莊王滅陳爲縣縣名自此始也是劉熙亦以楚爲已縣陳矣故唐尚書云然

且其狀方上而銳下

狀之爲言陳也狀陳雙聲莊子自狀其過不狀其過言自陳不陳也史記夏本紀餘之治水無狀索隱曰言無功狀蓋無功可陳也左傳獻狀晉令曹以罪自獻陳也古者聘問之辭書于簡牘以自陳於與國通謂之狀今諸侯之大夫聘於天子亦謂之狀玉篇狀形也又書狀

使卻至告慶于周

周禮小行人之職曰若國有福則令慶賀之注徒稱曰慶加物曰賀則慶賀天子待諸侯之禮也故晉使卻至告慶于周

國語翼解卷二

六

晉不知乘 解乘陵也

乘食陵切乘陵同音故以陵爲義

旅力方剛 解旅眾也

旅力句本小雅北山之詩錢詹事曰一句而一疊韻一雙聲王侍御懷祖先生亦曰旅力一聲之轉耳毛傳以爲旅眾也失其義矣琢案說文呂脊骨也重文作齋云脊彊則力壯呂齋本一字齋省爲旅尚書旅力既愆亦省齋作旅韋氏眾也之訓本毛傳而不得其義

兵在其頸

說文兵械也左定十年傳齊使萊人以兵劫公孔子以公退曰士兵之世本蚩尤以金作兵兵有五一弓二矛三矛四戈

大三九十九
小五

五戟蓋古者謂器爲兵不若後世之以卒伍爲兵也證以此經益信月令命將帥選士厲兵後世以卒伍爲兵始此怨在小醜猶不可堪而況在侈卿乎

小醜言醜類之同等者左定四年傳云將其醜類禮學記比物醜類方言醜同也東齊曰醜侈卿則謂卿之有世祿者書周官祿不期侈是其義也

佻天之功 解佻偷也

說文亦曰佻偷也左傳曰貪天之功案佻偷貪三字皆一聲之轉

吾非瞽史焉知天道

錢少詹曰經典言天道者皆以吉凶禍福言易天道虧盈而

國語翼解卷二

七

廣雅書局

益謙春秋傳天道多在西北天道遠人道邇吾非瞽史焉知

天道龍焉知天道古文尙書滿招損謙受益時乃天道天道福善禍淫史記天道無親常與善人皆此道也鄭康成注論

語云天道七政變通之占與春秋易義正同孟子云聖人之於天道也亦謂吉凶陰陽之道聖人有所不知故曰命也故

韋氏據太師執同律以聽軍聲而詔吉凶爲義太師注如師曠歌南風而知南風不競

目以定體 解體手足也論語曰四體不勤也

案於義當引中庸動乎四體孟子猶其有四體也今引論語者以論語在前也

晉侯爽二 解爽當爲喪字之誤也

大三百九十七
小五

案爽喪非字之誤亦字之假耳爽喪聲相轉故義可假卽以

爽字本義言之釋言爽差也忒也詩女也不爽傳亦本爾雅爲義云差也爽二者言晉侯視與步有差忒方言爽過也義

亦同差忒 下章經緯不爽解
韋亦云爽差也

厚味寔腊毒 解腊毒也讀若廣昔酒焉味厚者其毒亟也

鄭語毒之酋腊者其殺也滋速韋於彼注曰腊極也豫案極从亟聲極猶亟也又案漢書五行志味厚者腊毒注腊久也

味厚者爲毒久也郊特牲猶明清與醴酒于舊澤之酒也注爲其味厚腊毒也釋文澤音腊隱義云腊久也久酒有毒皆

以久訓昔久亟以相反爲義聲亦相近

天六地五數之常也 解天有六氣謂陰陽風雨晦明也地有

國語翼解卷二

八

廣雅書局

五行金木水火土也

漢書天文志引此文志并引春秋傳天有六氣降生五味以足成其義案文見左昭元年傳杜預曰金味辛木味酸水味

鹹火味苦土味甘皆由陰陽風雨晦明而生孔氏正義曰先儒以爲雨爲木味風爲土味晦爲水味明爲火味陽爲金味

而陰氣屬天不爲五味之主此杜所以不用也錢少詹曰周禮大宗伯賈疏左氏傳云天有六氣降生五味卽五行之味

也鄭義太陽不變陰爲金雨爲木風爲土明爲火晦爲水與

春秋孔氏正義所云不同當从賈氏漢志又云夫五六者天地之中合而民所受以生也故日有六甲辰有五十十一而

天地之道畢孟康曰天陽數奇一三五七九五在其中合六

大四百七十
小十八

甲之中惟甲寅無子故有五子然則天六地五者猶之天五地六也蓋必合五六爲天地生成之數也

文王質文 解質文其質性有文德也

禮器禮釋回增美質注質猶性也瑑案有質性斯有文德故先王之立禮也有本有文

遇乾之否

惠徵士左傳補注王充曰卜曰逢筮曰遇尙書金縢乃逢是吉今尙書作並之字義訓亦反漢高祖諱邦荀悅曰之字國惠帝諱盈之字滿亦此類

吾聞之大誓 解大誓伐紂之誓也

瑑案韋氏於襄王賜晉惠公命湯誓曰解曰湯誓尙書伐桀

國語翼解卷二

九

廣雅書局

之誓也今大誓不稱周書者以大誓不在伏生口授二十八篇之數也錢詹事曰馬季長言大誓後得按其文若淺露又舉春秋國語孟子孫卿禮記所引五事以疑之至東晉古文出別有大誓三篇其實景武之世已有之故武帝初董仲舒對策引大誓白魚入于王舟二十二字可證伏生壁藏之大誓與後得之大誓本無二本也以不在伏生口授二十八篇之數故云後得孔安國得壁中古文以考二十九篇得多十六篇所云二十九篇者即伏生之二十八篇及大誓也惠徵士云今文大誓三篇其略見於太史公書史公從安國問故其載當可信唐人尊信晚出之大誓而以今文大誓爲僞非也又案韋氏於卻至告慶於周節引書曰民可近也解曰書

大四百四十二
小五

逸今不稱周書亦不云逸書益知今文之大誓非僞而孔穎達詆爲僞者矣也

穀洛鬪

穀廣韻作澱云水名集韻亦从水云水名出河內鬪本都侯切又轉爲都故切郭璞流寓賦涉閼谷之高關壯斯世之險固遇王城之巨壙想穀洛之合鬪蓋漢晉之間韻書未出語言輕重則有之未有此疆爾界之部分也

昔共工棄此道也 解賈侍中云共工諸侯炎帝之後姜姓也顓頊氏衰共工氏侵陵諸侯與高辛氏爭而王也或云共工堯時諸侯爲高辛所滅昭謂言爲高辛所滅安得爲堯諸侯又堯時共工與此異也

國語翼解卷二

十

廣雅書局

劉子駿三統世經據春秋昭十七年傳共工氏以水紀故爲水師而水名而爲之說曰鄒子據少昊受黃帝黃帝受炎帝炎帝受共工共工又受太昊故先言黃帝上及太昊稽之于易炮犧神農黃帝相繼之世可知是劉以共工在炎帝之前也故世經先太昊次共工曰祭典曰顏師古曰祭典即禮經祭法也共工氏伯九域言雖有水德在水木之間非其序也任知刑以疆故伯而不王錢詹事曰郊祀志昔共工氏以水德開于木火與泰同運非其次序故皆不示又次炎帝曰易曰炮犧氏沒神農氏作言共工伯而不王雖有水德非其序也以火承木故爲炎帝孔穎達曰帝系世本皆謂炎帝即神農氏炎帝身號神農代號也譙周古史考以爲炎帝與神農各爲一人瑑案邃古之初荒忽無據識緯所述三皇之名第已不能盡合劉子駿依易春秋之例斷自炮犧

大四百一十四
小八十八

以來極爲有識劉以共工爲炎帝前賈以共工爲炎帝後各尊所聞可也又錢詹事曰賈逵以烈山爲炎帝之號帝王世紀云神農本起烈山蓋初封烈山爲諸侯後爲天子猶帝堯初爲唐侯也琒謂賈氏此注以共工諸侯蓋亦謂初封諸侯後爲天子故曰與高辛氏爭而王也祭法先厲山次共工此賈說所本

共之從孫 解從孫昆季之孫也

案從孫之文可補爾雅釋親父之世父叔父爲從祖祖父有從祖則應有從孫矣又韋氏於前節三而昇驩之孫解曰自孫已下皆稱孫詩曰周公之孫謂僖公也則昆季之孫亦謂昆季之孫之已下者耳

國語翼解卷二

土 廣雅書局

汨越九原 解越揚也

爾雅釋言越揚也郭注謂發揚案越發同音故韋於音語播於外而越於民注亦曰揚也而於使越於諸侯注曰發聲聞也

宅居九隩 解隩內也

爾雅釋地厓內爲隩注別厓表裏之名大雅蒨鞠之卽箋水之內曰隩蓋隩與澳通內曰隩本以水得名說文隩水隈厓也澳隈厓也其內曰澳廣韻隩本作澳水內曰隩隩本以水之內得名引申之爲凡內之稱禹貢四隩既宅是也

故天無伏陰

春秋昭四年傳云夏無伏陰月令季春行秋令則天多沈陰

大三百七十八小五

淫雨蚤降 下文水無沈氣解曰沈伏也

地無散陽 解散陽李梅冬實也

冬無愆陽亦見春秋傳惠徵士據周書時訓解以補注曰草木不黃落是爲愆陽琒案漢志三統術曰元歲之閏陰陽災三統閏法錢詹事曰每一元歲中 四千六百一十七歲 有水旱災歲五十七然則天地之數氣運之互爲乘除本不能無陰陽之災況又違戾作忒以干天地之和乎

火無災燂 解燂焱起貌天曰災人曰火

春秋宣十六年傳人火曰火天火曰災說文玉篇廣韻俱云燂炊也春秋昭二十年傳燂之以薪杜亦云炊也

謂其能以嘉祉殷富生物也 解姒猶祉也

國語翼解卷二

三 廣雅書局

此以疊韻爲訓也

氏曰有呂謂其能爲禹股肱心膂

說文呂脊骨也象形昔太嶽爲禹心呂之臣故封呂侯重文爲舊曰篆文呂从肉从旅

申呂雖衰齊許猶在 解申呂四嶽之後商周之世或封於申齊許亦其族也

史記三皇本紀神農五百三十年而軒轅氏興焉其後有州甫申呂皆姜姓之後詩不與我戍申傳申姜姓之國說文許冲上書云曾曾小子祖自炎神縉雲相黃共承高辛太岳佐夏呂叔作藩俾侯于許世祚遺靈說文本本作讐炎帝太嶽之肩甫侯所封許則字之假借也廣韻許出高陽汝南本自姜

大四百零四小二十四

姓炎帝之後太嶽之胤其後因封爲氏

命姓受氏

解祀或爲氏 下文作命 姓受氏

古者是氏同聲通用儀禮太史是右注是古文爲氏易祇既平釋文京房作禋說文引易亦作禋祀或爲氏亦同聲通用歟春秋隱八年傳云胙之土而命之氏

省其典圖刑法

解典禮也圖象也

易曰故觀其會通以行其典禮周禮丹圖注丹圖雕器簠簋之屬有圖象者何晏景福殿賦圖象古昔以當箴規

而滑夫二川之神

解滑亂也

廣韻滑亂也出列子讀與指同戶骨切廣雅猾亂也

佐饒者嘗焉

解饒烹煎之官也

國語翼解卷二

三

廣雅書局聚

周禮天官之屬有內饗外饗

其飾彌章

解彌終也言見禍亂之戒不恐懼循省也

詩誕彌厥月傳彌終也循省當作修省

至于今未弭

解弭止也

玉篇弭止也春秋襄二十五年傳兵其少弭矣杜注亦云弭止也

而少光王室

解少猶裁也

裁有節省之義與少義相因又裁通纔廣韻纔僅也亦少字之義也呂氏春秋長見篇至於覲存高誘注覲裁也漢書董仲舒傳注厘少也廣雅董少也

王無亦鑒于黎苗之王

解黎九黎苗三苗

本書曰少皞氏之衰九黎亂德民神雜揉家爲巫史民瀆齊盟禍災荐臻顛頊受之其後三苗復九黎之德堯復育重黎之後

及夏商之季

釋名叔父之弟曰季父季癸也甲乙之次癸最下季亦然也王侍御曰凡言季穉末之義也

或在畎畝 解賈侍中云一耦之發廣尺深尺爲畎百步爲畝昭謂下曰畎高曰畝畝壟也書曰異畝同穎

案賈說本考工記匠人又漢書食貨志亦云后稷始耨田以二耜爲耨廣尺深尺曰耨書濬畎澮距川傳云一畝之間廣尺深尺曰畎步百爲畝則司馬法之文也韋說則本爾雅爲

國語翼解卷二

古

廣雅書局聚

義釋上如畎畝王郭注上有隴界如田畝高曰畎則下曰畎矣乾鑿度聖人畎流大道謂疏通流注者皆曰畎故下曰畎也蓋賈以散文言韋以對文言也異畝同穎則書歸禾序文許叔重於說文曰部旻稱虞書曰仁閔覆下則稱旻天今書無此文見書傳錢詹事謂許君往往取經師之說爲經之正文今韋氏以書序爲書曰正同許例許於日部相下引易曰地可觀者云云亦說易文也

由欲靖民也 解靖治也

詩小雅俾予靖之傳靖治也案靜治聲也故韋於上文始基靖民既解曰靖安也而於此復列以聲爲義

民之憲言

大三百八十六